



Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Epistola ad RR. capitula cathedraliu[m] Ecclesiarum Prouinciæ.

urn:nbn:de:hbz:466:1-10502

nasij patronorum nostrorum laudem, Concilium prouinciale sextum celebrabitur, die decimo mensis Maij.

Hoc idem vulgari sermone parochis omnibus vrbanis intra Missarum solennia de suggestu in publicatione festorum mobilium promulgari iussit, literis in hanc sententiam scriptis.

Reuerendo parocho. D'ordine di Monsignor Illustrissimo Cardinale Arcieuescouo, raçcordo à V. R. che la mattina della Epifania, nel medemo tempo che farà la publicatione delle feste Mobili dell'anno presente secono il solito, non manchi di publicare la celebratione del Concilio prouinciale sexto, che sarà alli diece di Maggio prossimo.

Dalla Cancellaria Archiepiscopale li 4. di Genaro 1582. Subscripta.

M. Antonius Bellinus Cancell.

Huius rei gratia ad omnes Reuerendiss. Episcopos comprouinciales, item ad Capitula Cathedralium, ac ad testes Synodales, Epistolas subsequentes dedit.

EPISTOLA

Ad Reuerendissimos Episcopos Comprovinciales.

Carolus S. R. E. tituli Sanctæ Præcedis Cardinalis, Dei Apostolicæque sedis gratia Archiepiscopus Sanctæ Ecclesiæ Mediolanen. Reuerendiss. Domini Episcopo N. Comprovinciali nostro, salutem in Christo Domino; Concilium Prouinciale sextum, quod iam pridem decreto promulgato atque edito, in superiori quinta Synodo prouinciali, auctoritate Metropolitana nostra indiximus, auxiliante diuina misericordia, nos hoc anno M. D. LXXXII. die decimo mensis Maii, ad Tridentinæ sessionis præscriptum celebrabimus. Et verò quanquam non ignota nobis est pastoralis Amplitudinis Tuæ Reuerendissimæ sollicitudo, proindeque confidimus fore, vt pro debito Episcopalis sui officii munere, & pro sanctæ disciplinæ Ecclesiasticæ studio, cuncta diligenter agat, quæcumque de Concilio prouinciali certo titulo in Synodo quarta itidem prouinciali, vel vniuersè, vel sigillatim præscriptimus: nihilominus tamen his

literis, Archiepiscopali etiã nostra auctoritate, Episcopalis officii sui vigilantiam requirendam censuimus, vt antequam stata illa per nos indicta eius Synodi sexti celebrandæ dies veniat, omnino ea ipsa præstet atque exequatur. Quod reliquum est, pro prudentia, proque vigilantia sua pastoralis, Amplitudo T. Reuerendiss. ea viderit, quibus, dum in Concilio erimus, in tractationibusque & deliberationibus Synodalibus versabimur, & Christi Domini gloriæ in primis seruire, & animarum, quarum Episcopi Pastoresque sumus, spiritali emolumento atque saluti rectè consulere, & mûneri nostro pastoralis cumulatè satisfacere possimus.

In superiori Synodo prouinciali quanta istic testes Synodales delegimus, in Vrbe R. D. N. in diocesi R. N. qui cum abessent, iusiurandum ex Decreto prouinciali formulæque præscriptæ non præstiterunt. His igitur literis Amplitudini T. Reuerendiss. facultatem damus, atque impartimur, vt eos ad se quamprimum accersat, ac iusiurandum sibi præstari iubeat, ad formulæ in Concilio prouinciali quarto eo nomine præscriptæ ratione.

Itius præterea Cathedralis Ecclesiæ suæ capitulum ad Concilium nostrum prouinciale de more inuitauimus, eaque causa in hunc fasciculum epistolam includi iussimus, quam ei rectè reddi ab Amplitudine T. Reuerendiss. postulamus. Quare eo de re iureiurando à Testibus Synodalibus præstito, & de epistola capitulo reddita, & de aliis etiã rebus, quas Concilij sexti causa his literis scripsimus, quamprimum, & quam diligentissimè nos certiores faciat. Deus cœlestium gratiarum donis Amplitudinem Tuam Reuerendissimam cumulet. Mediolani die 29. Ianuarij 1582.

EPISTOLA

Ad R. R. Capitula Cathedralium Ecclesiarum prouinciæ.

Carolus Cardinalis Archiepiscopus Mediolani & c. Canonicis, & Capitulo Ecclesiæ N. salutem in Domino. Deo benè iuuante, nos Concilium prouinciale, sextum, quod iam pridem decre-

ho edito in Synodo prouinciali quinta indiximus, hoc anno die decimo mensis Maij, de more in Basilica nostra Metropolitana habebimus. His igitur nostris literis, vos ad illud inuitare volumus. Quare aliquos certos procuratores ad constitutam eam diem huc mittatis licet, qui & ipsi presentes in Concilio adsint, & nos instruere ijs de rebus possint, quæ ad vos, vestrumque Capitulum aliqua ratione pertineant. Valete in Domino. Dat.

EPISTOLA

Ad Reuerendos testes Synodales.

Reuere. & dilecte in Christo. Superio ri proximo Concilio quinto te de legimus, qui in ista Diocesi N. Synodi prouincialis sextæ, quæ hoc ipso anno 1582. die decimo mensis Maij futura est, causa, testem Synodalem gereres. Quare his literis te monitum esse volumus, vt cum ad decretorum, quæ de testibus Synodalibus in Concilio prouinciali quarto edidimus præscriptum, in omnem istius officii curam incumbas, quo oportet diligenti sinceroque studio; tum etiam quidquid pia ista tua opera accurataque solertia inuelligando perspexeris, quod aliqua opus habeat correctione, & reformatione, id omne rectè atque ordine notatum, ad nos duobus ante statam Synodi prouincialis future diem mensibus (id quod etiam eodem quarto charitati tuæ præscriptum est) mittas. Agere autem debes cum R. D. N. quem alterum testem synodalem istic in vrbe N. delegimus, vt constituta die vnus vestrum præsens in Concilio omnino adsit, eam coram relaturus, quæ sanctè iuratus, nobis interrogantibus respondere debet. At verò vbi inter vos fortassè non consentientes, aut ancipites in deliberando eritis, vter vestrum ad Concilium accedat; tunc ambo planè accedatis, id præstaturi, quod Decreto prouinciali vobis præscripsimus. Et quoniam fortassis adhuc iusiurandum, quod ex Decreto prouinciali præstare debes, minime præstitisti; Ideo abs te illud ex præscripta formula istic Reuerendiss. Episcopo tuo N. præstari iubemus; cuius

rei facultatem literis nostris dedimus atque impartiri sumus. In istius verò synodalis officii munere, quod charitati tuæ commisimus, si fortè nullum adhuc tempus posuisti, tuæ partes sunt, cum illud tam religiosè præstare debeas, in præsentem curam eo diligentiorrem adhibere, vt accurato & opportuno studio illius partes expleas. Quod charitatem tuam facturam esse speramus & confidimus. Vale in Domino. Mediolani die &c.

Eadem quoque epistola scripta est ad testes synodales vrbis ac diocesis Mediolan. ijs ommissis, quæ de eorum altero vel vtroque ad Concilium venturo, itemque de iusiurando præstando mox supra posita sunt. Ab ijs verbis scilicet; Agere autem debes, vsque ad finem.

Epistolas item singulas ad Reuerendissimos Episcopos Cremonensem, & Bergomensensem pro concionibus habendis in 2. & 3. sessione, & Reuerendissimo Episcopo Alexand. pro concione mortuorum, huius sententiæ scripsit.

Reuerendissime Domine. Exploratum nobis est, concionis, quam ab Episcopo prouinciæ in N. Concilii sessione haberi decreuimus, munus ab Reuerendissima Amplitudine tua posse, & virtutum episcopali studio, & rerum ecclesiasticarum vsu doctrinaque egregiè præstari. Quamobrem episcopali charitati suæ hanc curam dandam statuimus, vt latinam eiusmodi orationem concionemve paret, quæ sanctioris disciplinæ institutis atque officiis exculta, quæ vberimos ope diuina fructus afferre possit synodali actionum. Id igitur munus pro religiosi animi sui zelo vt diligentissime suscipiat, magnoperè ab Amplitudine T. Reuerendiss. postulamus, cui & Deo omnem cœlestis gratiæ cumulatum precamur. Mediol. non. Februarii 1582.

Episcopo Placentino in aliam sententiam literæ fuerunt scriptæ, & per certum notarium missæ in hanc sententiam vz.

Epistola Episcopo Placentino.

Carolus &c. Reuerendiss. Domino D. Episcopo Placentino salutem in Christo Domino. Synodum prouincial-

lena